

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

**po Zahtjevu za davanje mišljenja Zajedničke advokatske kancelarije Bojana
Tkalčić – Đulić, Olodar Prebanović, Adela Rizvić i Arela Jusufbašić – Goloman**

**Sarajevo,
januar 2012. godine**



Broj: 01-26-7-24-3-I/11
Sarajevo, 19. januar 2012. godine

Na osnovu člana 25. stav (1) tačka f) Zakona o konkurenciji („Službeni glasnik BiH“, br. 48/05, 76/07 i 80/09), a po Zahtjevu za davanje mišljenja Zajedničke advokatske kancelarije Bojana Tkalčić – Đulić, Oldora Prebanić, Adela Rizvić i Arela Jusufbašić – Goloman, Alipašina 51, 71000 Sarajevo, zaprimljenog od Konkurencijskog vijeća dana 12. decembra 2011. godine, pod brojem: 01-26-24-I/11, Konkurencijsko vijeće na 26. (dvadesetšestoj) sjednici održanoj dana 19. januara 2012. godine, donijelo je

M I Š L J E N J E

Zajednička advokatska kancelarija Bojana Tkalčić – Đulić, Oldora Prebanić, Adela Rizvić i Arela – Jusufbašić – Goloman Alipašina 51, 71000 Sarajevo, podnijela je Zahtjev za davanje mišljenja o postojanju obaveze podnošenja prijave koncentracije (u daljem tekstu: Zahtjev), zaprimljen dana 12. decembra 2011. godine pod brojem: 01-26-7-24-I/11.

Konkurencijsko vijeće je zatražilo aktom broj: 01-26-7-24-1-I/11 od dana 14. decembra 2011. godine dopunu Zahtjeva, koji je dostavljen podneskom broj: 01-26-7-24-2-I/11 od dana 27. decembra 2011. godine.

U Zahtjevu je navedeno slijedeće:

- privredni subjekt (kupac) je domaće pravno lice zainteresovano za sticanje imovine (pokretne i nepokretne) drugog pravnog subjekta (prodavac), koja čini zasebnu imovinsku cjelinu;
- dio imovine (pokretna i nepokretna) u vlasništvu privrednog subjekta prodavca (koja je predmet transakcije), je založena u korist banke radi obezbjeđenja kredita i ista bi se prodavala u izvršnom postupku pred nadležnim sudom putem neposredne pogodbe;
- prodaja imovine (pokretna i nepokretna) privrednog subjekta prodavca provela bi se u dva odvojena postupka i na osnovu dva odvojena ugovora o neposrednoj pogodbi, na način da bi se izvršni postupak na nepokretnostima provodio primjenom odredbi Zakona o izvršnom postupku („Službeni glasnik RS“, br. 59/03, 85/03, 64/05 i 118/07 i „Službene novine FBiH“, br. 32/03 i 33/06), a prodaja pokretnih stvari primjenom odredbi Okvirnog zakona o zalozima („Službeni glasnik BiH“, br. 28/04 i 54/04) i podzakonskih akata;

- da zainteresirani privredni subjekt kupac u 2010. godini nije ostvario ukupan prihod na tržištu Bosne i Hercegovine veći od 8.000.000,00 KM, te nije ispunio uslov utvrđen u članu 14. stav (1) tačka b) Zakona o konkurenciji;
- da je fizičko lice državljanin Bosne i Hercegovine većinski vlasnik privrednog subjekta kupca, dok je manjinski vlasnik strani privredni subjekt;
- da fizičko lice (državljanin Bosne i Hercegovine) kao većinski vlasnik privrednog subjekta kupca nije ostvario ukupan prihod na tržištu Bosne i Hercegovine u 2010. godini veći od 8.000.000,00 KM, te nije ispunio uslov u smislu člana 14. stav (1) tačka b) Zakona o konkurenciji;
- da je strani privredni subjekt kao manjinski vlasnik privrednog subjekta kupca u 2010. godini ostvario ukupne prihode na svjetskom i tržištu Bosne i Hercegovine koji premašuju iznose utvrđene u članu 14. stav (1) tačke a) i b) Zakona o konkurenciji;
- da privredni subjekt prodavac u 2010. godini ima ukupan prihod veći od 8.000.000,00 KM, te je ispunio uslov iz člana 14. stav (1) tačka b) Zakona o konkurenciji.

Uzimajući u obzir da nisu dostavljeni konkretni podaci o privrednim subjektima, Konkurencijsko vijeće u vezi obaveze prijave koncentracije navodi odredbe Zakona o konkurenciji koji se odnose na isto:

- član 12. stav (1) tačka b) Zakona o konkurenciji utvrđuje da se koncentracijom smatra i sticanje kontrole ili dominantnog uticaja jednog privrednog subjekta nad dijelom(vima) drugog privrednog subjekta;
- član 14. stav (1) Zakona o konkurenciji utvrđuje da obaveza prijave koncentracije postoji ukoliko su ispunjeni uslovi tačke a) i b) Zakona o konkurenciji ukoliko ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i ukoliko ukupni godišnji prihodi svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Za privredne subjekte sa sjedištem i prebivalištem u inostranstvu primjenjuje se član 14. stav (1) tačke a) i b) Zakona o konkurenciji, dok za privredne subjekte s sjedištem i prebivalištem u Bosni i Hercegovini se primjenjuje član 14. stav (1) tačka b) istog Zakona (član 2. Odluke o načinu podnošenja prijave i kriterijima za ocjenu koncentracija privrednih subjekta - „Službeni glasnik BiH“, broj 34/10).

- član 14. stav (3) Zakona o konkurenciji utvrđuje da se u slučaju kad se koncentracija iz člana 12. stav (1) istog Zakona odnosi na spajanje ili pripajanje dijela ili dijelova jednog ili više privrednih subjekta, bez obzira da li ti dijelovi imaju status pravnog lica, pri izračunavanju ukupnog prihoda obračuna samo prihod onih dijelova privrednog subjekta koji su predmet kontrole koncentracije;

- član 14. stav (4) Zakona o konkurenciji utvrđuje da će se dvije ili više koncentracija iz stava (3) člana 14. Zakona o konkurenciji provedene u vremenskom periodu kraćem od 2 (dvije) godine, smatrati jednom koncentracijom (više sukcesivnih sticanja dijelova privrednog subjekta), izvršenom na dan posljednje od ovih koncentracija;
- član 2. stav (2) Zakona o konkurenciji utvrđuje da se kontroliranim privrednim subjektom smatra privredni subjekt u kojem drugi privredni subjekt, neposredno ili posredno, pravno ili činjenično, odlučujuće utiče na upravljanje, naročito ako:
 - ima više od polovine udjela u osnovnom kapitalu ili dionica;
 - može ostvarivati više od polovine glasačkih prava;
 - ima pravo na postavljanje više od polovine članova uprave, upravnih i nadzornih odbora;
 - na drugi način ima pravo upravljanja poslovanjem kontroliranog privrednog subjekta.

U Zahtjevu nisu dostavljeni konkretni podaci za privredni subjekt kupac iz kojih se mogu utvrditi da li strani privredni subjekt na drugi način (kako što je navedeno u članu 2. stav (2) Zakona o konkurenciji) odlučujuće utiče na upravljanje privrednim subjektom, što se uzima u obzir pri utvrđivanju „povezanog društva“, te slijedom toga u postupku utvrđivanja ukupnog godišnjeg prihoda privrednog subjekta (kupca).

- privredni subjekti, učesnici koncentracije su obavezni podnijeti prijavu koncentracije u smislu čl. 12. i 14. Zakona o konkurenciji, u roku od 15 (petnaest) dana od zaključenja sporazuma, objavljivanja javne ponude dionica ili sticanja kontrole, zavisno od toga šta nastupi ranije.

Rok za prijavu koncentracije za privredni subjekt koji stiče kontrolu na dijelom (dijelovima) drugog privrednog subjekta teče od dana zaključenja pravnog akta iz člana 16. stav (1) Zakona o konkurenciji.

- član 16. stav (3) Zakona o konkurenciji utvrđuje da kada kontrolu nad cijelim ili dijelovima jednog ili više privrednih subjekta stiče drugi privredni subjekt prijavu podnosi privredni subjekt koji stiče kontrolu.

Navedeno mišljenje je dato isključivo na osnovu dostavljenih općih informacija o privrednim subjektima učesnicima koncentracije .

Predsjednik

Ibrica Lakišić

Dostavljeno:

- **Zajednička advokatska kancelarija Bojana Tkalčić – Đulić, Olodar Prebanović, Adela Rizvić i Arela Jusufbašić – Goloman**
- **arhiv Konkurencijskog vijeća**